

DISSERTATIO INAUGVRALIS  
DE  
SVCCESIONE MATRIS  
EX  
STATVTO BVDISSINENSI  
VVLGO



Hon. Schoof-Gall

QVAM

AVCTORITATE  
ILLVSTRIS ICTORVM ORDINIS  
PRAESIDE  
MAGNIFICO ACADEMIAE RECTORE  
DN. IO. FLORENTE RIVINO  
ICTO

PAND. PROF. PVBL. CANONICO NVMBVRGENS.  
ET WVRZENS. ET FACVLT. IVRID. ASSESS.

PRO

SVMMIS IN VTROQVE IVRE HONORIBVS  
CAPESSENDIS

EXAMINI PVBLICO PROPOSVIT

AVCTOR

ERDMANN GODOFREDVS  
SCHNEIDER

SENATOR BVDISS. ET IVDICII SVPREM. PRAEFECT.  
SVPER. LVSTAT. ADVOCATVS ORDINARIVS.

---

LIPSIAE D. XV. NOVEMBR. CIOIDCC XXXV.

---

LITERIS IOAN. CHRISTIANI LANGENHEMIL.





## CONSPECTVS DISSERTATIONIS.

- §. I. *Successio matri ex LL. XII. Tabb. denegata.*
- §. II. *Iure Praetorio mater ad Successionem admissa.*
- §. III. *Ius Liberorum, a D. Claudio Imp. matri datum.*
- §. IV. *SC. Tertullianum sub Hadriano non vero Antonino Pio conditum.*
- §. V. *Successio matris ex SC. Tertulliano, aliisque constitutionibus, quae matrem partim adiuuabant, partim praegrauabant.*
- §. VI. *Ius successionis maternae a Iustiniano A. dilatatum.*
- §. VII. *Consuetudines Armeniorum ad Nouell. 21. ab iniustitia vindicatae.*
- §. VIII. et IX. *Transitio ad successionem matris ex statuto Budissinensi et eiusdem Articul. 4. et 5. Tit. I. Part. II.*
- §. X. *Fundamenta successionis matris et descendentium a patre. Viriusque successionis temperamentum ex statuto Budissinensi.*
- §. XI. *Exponuntur rationes Iuris statutarii.*

- §. XII. *Quomodo Ius statutarium ratione foeminarum solutarum, Coniugarum, et viduarum cohaereat.*
- §. XIII. *Ratio primaria statuti indicatur, et defenditur.*
- §. XIV. *Adstruitur, statutum non pugnare cum regula Vulgari: Iura successionis esse reciproca.*
- §. XV. XVI. et XVII. *De liberis, quibus mater ex statuto succedat.*
- §. XVIII. *An succedat quoque nepotibus.*
- §. XIX. XX. XXI. XXII. et XXIII. *In quibusnam bonis liberorum mater succedat: An in hunc censum veniant bona acquisita.*
- §. XXIV. *De diuisione hereditatis inter matrem et liberos ex statuto.*
- §. XXV. *De successionem matris in bonis liberorum auitis.*
- §. XXVI. *Interpretatio formulae statuti, daß Erbe der Mutter in den Schoos fallen. ex Glossa Iuris Saxonici Commun. et Magdeburgici.*
- §. XXVII et XXVIII. *Quo sensu haec formula veniat in statuto.*
- §. XXIX. *Conclusiones variae ex principiis §. 27. & 28. deductae.*
- §. XXX. *De Iure liberorum, quod habent, quando ad matris bona creditorum concursus factus est; et casus specialis praeiudicio confirmatus.*



§. I.

**D**Ecemuirali lege sui tantum agnati-  
 que proximi, iisque deficientibus gen-  
 tiles hereditatem capere poterant.  
 Ita enim *Tabul. V. Ast si intestato*  
*moritur, cui suus heres nec escit,*  
*agnatus proximus familiam habeto.*  
*Si agnatus nec escit, gentilis fami-*  
*liam heres nancitor.* Lex consanguineos ne quidem com-  
 prehenderat, qui ex interpretatione prudentum locum  
 demum inter agnatos acceperunt. *Paulus III. sentent. sub*  
*tit. de intestat. success.* apud auctorem collat. LL. Mo-  
 saicar. Tit. 16. §. 3. quod accurate observatum a IACOB.  
 GOTHOFREDO in font. quat. Iur. Civil. pag. 97. Tom.  
 III. *Thesaur. Otton. et mater exclusa,* cum illa cognatio-  
 nis iure liberis tantum coniuncta esset, §. 4. *Instit. de*  
*success. cognat. Vlpianus fragment. Tit. 27. §. 8. intestati*  
*filius hereditas ad matrem ex lege XII. Tabb. non perti-*  
*net.* Romanos quid mouerit, ut suos, agnatos et gentiles  
 tandem heredes vellent, ii non ignorabunt, qui sacra eo-  
 rum familiaria probe intelligunt, sine quibus transferri  
 here-

hereditas non poterat. Ita familiarum fortunis atque incrementis callidissimo inuento eos studuisse, palam est.

### §. II.

Hic stricti iuris rigor Romanum forum non per exiguum temporis spatium obsederat, donec populus mutaret mores, et praeiudicibus Praetoribus vetera accommodaret iura ad praesentem Reipublicae formam, quae faciem longe aliam ab antiqua induerat. Quare et introductum fuit Praetorio Iure, ut mater ad successionem, *bonorum successionem, unde cognati*, accommodata, vocaretur, *pr. I. de SC. Tertullian.*

### §. III.

Augustis Romanam tractantibus Rempublicam, respondendique de iure beneficio iis concessio, quibus fere imperantium arbitria leges videbantur, vetusti iuris angustias multum dilatatas, nouimus. *Et primus quidem D. Claudius matri ad solatium liberorum amissorum, legitimam eorum detulit hereditatem. §. 1. I. de SC. Tertullian.* quo pertinent illa, quae habet SVETONIUS in *Claud. c. 19. foeminis Ius quatuor liberorum* indulgit, et quae ibidem obseruat CL. TORRENTIVS. Amissorum liberorum nomine autem tantum intelligendos, nobis videtur, qui in acie ipsoque conflictu cecidere, quod innuunt illa, *Pr. I. de Excus. Tut. et Cur. et constat eos solos prodesse, qui in acie amittuntur, hi enim, qui pro Republica ceciderunt, in perpetuum per gloriam viuere intelliguntur.* Adde Theophilum d. tit. neque quis contrarium euincet ex verbis §. 10. *Instit. de adoption. sed ex indulgentia principis ad solatium liberorum amissorum (foeminae) adoptare possunt.* Etenim et haec restringenda existimamus, *ad amissos in acie,*  
aut

aut si quid aliud ab indulgentia principis sperari potuit, quod fere suadet *l. 5. Cod. de adopt.* diuersum id a nostro instituto, adque successionem matris in bonis, quae liberorum sunt, trahi posse, nemo sibi persuadeat.

§. IV.

*Hadrianus* Augustus, qui *legibus imbuir Rempubli-*  
*cam*, laudante *LATIN. PACATO Panegy. c. 11.* atque *Nu-*  
*mam* Regem imitari studuit, docente *VICTORE Schotti*  
*c. 14.* et obseruante *CL. DODWELLO Praelection. Camb-*  
*den. VII. 6. p. 295.* *quotidie totam illam veterem ac squal-*  
*lentem siluam legum nouis principalium rescriptorum et*  
*edictorum securibus rustabat caedebatque*, *TERTULLIAN.*  
*Apologet. 4.* non tantum edicto perpetuo *Iuliani* opera  
condito, *VICTOR Schotti c. 19. EUTROPIVS VIII. c. 9.*  
*Iustinianus constit. graec. de confirmand. Digest. §. 18.*  
*ANT. PAGI dissert. hypatic. Part. II. c. 4. num. 3.* respon-  
dendi de iure beneficio restituto, *Pomponius L. 2. §. ult.*  
*ff. de or. Iur.* constitutionibus nouis editis, quae vide  
apud *RENAT. BOTTEREAU in Hadrian. Legislator.* im-  
mortalem nominis sibi parauit memoriam, sed in primis  
*SC. Tertulliano* facto apud *ICtos* celebris factus, quo cau-  
tum est plenissime de tristi successionem matri, non etiam  
auiæ deferenda, *ut mater ingenua trium liberorum ius*  
*habens, libertina quatuor, ad bona filiorum filiarumue*  
*admittatur intestato mortuorum. §. 2. I. de SC. Tertull. add.*  
*THEOPHIL. ibid.* quae loca edocent *SC.* hoc omnino  
sub *Hadriano* non vero *Antonino Pio* conditum. Quam-  
uis enim ille post adoptionem *T. Aelius Caesar Hadria-*  
*nus Antoninus* dictus sit, quod constat ex *mole Hadriani*,  
et *CVIACIUS* vrgebat in *not. ad d. §. Instit.* neque oc-  
currat Consul ordinarius *Tertulli* nomine sub *Hadriano*;

verum *Tertullus* quidam cum *Claudio Sacerdote* demum prodierit Consul anno *V.C.910. A.D.158*. Sciunt tamen omnes, plures tum anno vno fuisse *Consules suffectos*, quorum nomina intercidere : neque vnquam quis reperiet exemplum, vbi *simplex Hadriani nomen Antonino Pio* datum sit. En verba *Theophili* ! *χρονὸν δὲ ὑπερὸν δογμα γέγονε Τερτυλλιανείον, ἐπὶ τῆς Ἀδριανῆς βασιλείας*, post tempus aliquot factum est *SC. Tertullianum*, regnante *Hadriano*, quae verba sic posita, nemo recte ad *Antoninum Pium* applicabit.

### §. V.

Ex hoc *SC. mater*, quae ius liberorum habebat, succedebat liberis, agnatis liberorum penitus exclusis. Vbi vero ius liberorum non habebat, excludebatur prorsus ab agnatis a liberorum suorum successione, *L. 2. Cod. Theodof. de inoffic. testament.* constitutione facta a *Constantino M.* an. 321. *nec luctuosam ei (matri) nec legitimam reliquerit portionem (filius) ut testamento remoto, matri successio deferatur (si tamen defuncto consanguinei agnati non sunt superstites) etc.* Aliae constitutiones, iura legitimae successionis perscrutantes, partim matrem adiuuabant, partim eam prae grauabant, ut loquitur *Iustinianus §. 5. ad SC. Tertullian.* Ita idem *Constantinus* eodem anno constitutione emissâ ad *Bassum P. V. Leg. 1. Cod. Theodof. de legitim. hereditat.* matri, quae ius liberorum non habebat, tertiam bonorum partem intestati filii adiudicabat, agnatis duas tertias. Tum *mater*, liberorum ius non habens, cum agnatis omnibus in tertiam partem concurrebat, liberorum vero iure gaudens admittere iussâ in tertiam partem agnatos, ad patruum usque nepotes. Imo ex hac ipsa lege matri et ipsius etiam agnatis bonorum possessionis petitio



titio necessaria non erat; quia legis est non Praetoris beneficium, inquit Constantinus. Sufficiebat ergo simplex aditio. Aliud postea constitutum de matris successione in bonis filii, si fratres ei existerent, a Valente Orientis Imp. an. 369. constitutione emissa ad Aukonium PF. P. L. 2. Cod. Theodos. de legit. heredit. vbi mater concurrens cum fratribus defuncti filii, ab iis penitus excludebatur, quae tamen excludebat capite deimnutos, quia, inquit lex, non solum filius consanguineus, sed etiam per adoptionem quae-fitus, nulla capitis diminutione intercedente, eius matrem excludit, sic idem patiatur mater defunctorum excludi a fratribus consanguineis existentibus.

#### §. VI.

Et ita ferme se habebat successio matris in bonis filiorum ad usque Iustiniani Augusti tempora, qui constitutiones anteriorum Principum omnes negligens, docente §. ult. Instit. de SC. Trebell. constitutione noua data ad Mennam Praef. Praetor. L. 7. Cod. ad SC. Tertullian. illud voluit, vt mater vna cum defuncti fratre et sorore hereditatem caperet, atque concurrens cum sororibus agnatis vel cognatis defuncti vel defunctae pro veterum legum tenore partem dimidiam, superstites autem vel fratre vel fratribus vel sororibus, in capite distributa hereditate, succederet. Singulare est, quod ibidem §. 1. sancitum, si autem defuncta persona non solum matrem et fratres et sorores superstites habeat, sed etiam patrem: si quidem sui iuris decessit, quia patris persona interueniens matris iura superare videtur: omnibus pio animo prouidentes, sancimus fratres quidem et sorores mortuae personae ad successionem proprietatis solos pro virili portione vocari: patri autem et matri usufructum totius successionis pro-

besse competere, aequa lance inter patrem et matrem diuidendum, etc. Ex hac ipsa vero constitutione desumptum, quicquid de successione §. 5. Instit. de SC. Tertullian. dictum, introductumque fuit. *Novella, Lege 118. c. 2.* qua ratione successione ius matri auiæque competens dilatum fuerit, et notum omnibus, et nostri non est instituti, huc transferre.

### §. VII.

At non possumus non tangere Iustiniani *Novellam XXI.* quæ damnat *mores Armeniorum*, qui foeminas excludebant a successione *parentum, liberorum, cognatorum ab intestato.* Fictæ ibi sunt, quas adducit, rationes. *Barbaricum* vocat *morem*, quem tamen antiquissima Romanorum iura seruasse, meminisse debebat. *Barbaricum* item vult, quod sine dote ad viros venerint apud eos puellæ: verum et hoc Graecia vetus ita facere consueuerat. vide COLERVM ET BERNEGGERVM ad cap. 18. TAGIT. de morib. German. neque quod a maritis futuris emptæ fuerint, barbarum quid redolere nobis videtur. Verum omnino; multis gentibus ex Germanis nostris ita olim placuisse, sed numne Roma vetus aliter? Quid enim voluere nuptiæ per Coëmptionem factæ? Addit Iustinianus: *non ipsi (Armeniis) solummodo hæc ferocius sentientibus, sed etiam aliis gentibus, ita exbonorantibus naturam et foemineum iniuriantibus genus, tanquam non a Deo sit factum et seruiat natiuitati, sed tanquam vile et exbonorandum, et extra omnem competentem bonorem.* En Zelum Augusti, quem videtur excitasse eius in Theodoram nimius amor, quam non in omnibus excuso; neque enim cuncta reiicienda, quæ habet PROCOPIVS in arcana historia. Sapienter Armenii olim cum aliis gentibus id constituerant, vt exclude-

cluderentur a successione foeminae, cum splendori familiarum, diuitiis atque potentiae studerent. Vulgare id *foeminam finem esse familiae*, quae aucta pecuniis, non ad gentem suam, sed ad aliam transferat omnia. Forte voluere Orientis Principes, vt communicato cum foeminis successione iure, illorum potentia euilesceret, quos timebant. Difficile enim imperare illis, qui *privati* nomine audiebant, re ipsa *Principes* repraesentabant; quales olim fuere *Appius*, *Lucullus* et alii, quos memorant longa serie historiarum scriptores.

### §. VIII.

Paucis placuit dare varietatem maternae successione apud Romanos. Hanc qui rerum gestarum ordinem non ignorat, vix mirabitur, et accuratius etiam capiet. At maiores nostri, quos nunquam iugum Romanae seruitutis coërcuerat, alia longe a Romanis legibus olim statuere, quae nota sunt iis, qui multa opera in eruendis vetustatis Germanicae deliciis desudare solent. Ita et successione iura sese habuere: Certe *quot olim prouinciae, tot consuetudines* inter se diuersae.

### §. IX.

Rei veritatem testari potest *Statutum*, quod seruat patria *Budissa*. Matri id in bonis a patre filioe relicti *vsufructum*, *proprietatem* defuncti fratribus vel sororibus tribuit. En verba statuti; *Part. II. Tit. I. Art. IV.* Hat auch die Frau Kiender Bndt stierbet deren eines oder mehr, deren angeerbetes Väterliches Guth soll der Mutter in den Schoß fallen, doch also, daß die Mutter solch angestorben Guth ihren andern Kiendern, als des verstorbenen Kiendes leiblichen Geschwistern nicht entfrembde, Sondern sie soll daselbe gedachten Kiendern vor Gericht

Gericht oder vor ihren Vormunden also versichern, daß Sie daran ein Gnügen haben können. *Addimus interpretationis causa sequentem Art. 5.* Wenn auch die Frau bereits einen andern Mann zur Ehe genommen, vndt sie sodann ichtwas von ihrer Kiender Erster Ehe Vatter Theile anstürbe; So mag ihr Mann solches angestorbene Guth in Vormundschafft nehmen, das ist, er soll solches versichern nach des Raths Erkantnuß, daß, im Fall die Frau mit Tode abgienge, Sie das angestorbene Guth von ihren Kiendern erbe an ihre Erste Kiender, als des verstorbenen vollburthige Geschwister, vndt ob die nicht vorhanden wären, an ihre andere Kiender vndt derselben nächste Freunde, vndt nicht an ihren Mann, noch an dessen Freunde.

## §. X.

*Continet statutum, vti vides temperamentum Iurium succedendi,\** quae et matri et agnatis competunt. Matrimonium, quod primam arctissimamque merito dixeris societatem; *Rerumpublicarum originem, communionem personarum, rerum, animorum, corporum, diuini humanique iuris communicationem, pugnat pro successione materna.* Accedit *ius sanguinis, liberorum, datum ob amissos legibus solatium, ius alimentorum, quod in mariti bonis est.* At vero *successionem collateralium, proximorum defuncti, cum matre concurrentium vrgent iura agnationis, sanguinis, bonorum paternorum vel auitorum, publica atque priuata conseruandae paternae familiae utilitas, ipsum denique naturale votum, et hinc praesumpta patrum auorumque voluntas.* Haec fundamenta successionis matris et descendantium a marito patre, patriae nostrae patres ponderantes, constituentisque vtramque iuuare partem, melius consulere non poterant priuatae

priatae publicaeque rei, quam dato *matri* iure succedendi in *usufructu*, atque adiudicata *proximis* defuncti *collateralibus proprietate*. En quam accurate *suum cuique*, et quod utrique conuenientissimum, a maioribus nostris tributum sit! Ita certe nec matri nec defuncti collateralibus querelae locus relictus.

§. XI.

Quo vero de *intentione statuti* accuratius sentire possent posteri, neue daretur occasio iis, qui fora obsident, indigestis circumlocutionibus, interpretationibus vagis variisque, sensura non ferientibus; sapienter nostri rationes, quae mouere poterant, uti discesserint a iure Saxonico et Romano, exposuere. Videamus verba *Artic. IV. Tit. I. Part. II.* daß die Mutter solch angestorben Guth ihren andern Kiendern, als des verstorbenen Kiendes leiblichen Geschwistern nicht entfrembde. et *Artic. seq. V.* daß im Fall die Frau mit Tode abgienge, sie daß angestorbene Guth von ihren Kiendern erbe an ihre erste Kiender als des verstorbenen vollbürtige Geschwister, und, ob die nicht vorhanden weren, an ihre andere Kiender, vndt derselben nechste Freunde, vndt nicht an ihren Mann, noch an dessen Freunde. Primum occupat hic locum insignis *cura patriae patrum conseruandi paterna bona* descendentibus paternis. His deficientibus, vterinis fratribus et sororibus, quique hos repraesentant, nepotibus; tandemque cognatis maternis prospectum est. Datam in primis obseruabis operam, ne vitrico eiusdemque agnatis et cognatis, bona a patre auoque profecta, cederent: Et hoc facto omnino iis, qui bonis paternis auitisque insidias struere cogitant, frenum iniectum est. Bona etiam paterna et forte materna, et integrum immutatum-

que matris in liberos amorem conseruari facilius: imo anxia aui patrisque desideria, mortem alioquin non nisi inter spem metumque liberorum causa obeuntium, confidentius adimpleri, nostros statuisse, iudicauerimus.

### §. XII.

Tot rationibus euictum est, si quid videmus, non praeter rem in statuto patrio *viduas* aliquanto durius habitas, neque temere a Iure Saxonico et Romano recessum fuisse. At non viduis solum sed *solutis* quoque *coniugatisque* foeminis fere idem contigit. Ita *circa sponsalia* solutarum, et consanguineis et Reipubl. maxime proficua, *sponsis* vero et postea maritis, mirum quantum *aduersa lex* scripta est, *Stat. Part. II. Tit. III.* Wieder die heimliche Ehegelübde. *Marito* bonorum *dotalium* et *paraphernalium* plenum et perfectum *dominium* acquiritur, *obaeratus* ex iisdem soluit, *defunctus* ad liberos et familiam suam, quae vxoris fuerant, transmittit, sola portione statutaria, tertia nimirum hereditatis parte vxori seruata, *Part. II. Tit. IIX. Artic. I. et Part. II. Tit. I. Art. I.*

### §. XIII.

Cohaerere hoc modo vides Ius statutarium foeminas concernens. Manifestum inde, Iuris patrii conditores *familiarum* consuluisse *conseruationi*, tutamini fidei, commerciorum animae, et vt rem verbo absoluiam, plus dedisse *utilitati* ciuitatis *publicae*, quam foeminarum priuatae. Nec habent, quod de iniuria sibi facta querantur foeminae solutae, coniugatae, ac demum viduae, de quarum Iure hic dicendi in primis locus erit. Si quod enim matri ius est in bonis liberorum, certe non idem est eius cognatis. Prospectum enim ipsi satis *usufructu*, maxime cum bonorum suorum dominium plenum et perfectum matri-

monii

monii implens condiciones, transtulerit in maritum. Et vel hoc solo nomine recte *proprietaem* defuncti fratribus sororibusque ac reliquis descendentibus a marito relinquere lege patria cogitur.

§. XIV.

Ad commodam statuti nostri dum accedimus elucidationem, communes DD. voces sollicitos nos reddere posse videntur, obiicientium: pugnare id cum prima, quam toties inculcant, regula: *iura* nimirum *successionis reciproca* esse. At quamvis lubentissime concesserimus, hanc ipsam iuris regulam ad casum, quem statutum patrium concernit, applicari non posse; id tamen tuto affirmare possumus, eandem patriae legi aduersam non esse; sed vel male intellectam vel applicatam. Visne fundamentum propositionis, quam iactitant ICti? aliud certe non inuenies, quam illud, *quod iuris est in vno correlatorum, idem et in altero, nisi diuersitatis subsistat ratio*, argumento *Leg. fin. Cod. de indict. viduit. et Leg. Jul. Miscell. tollend.* Iam vero §. 6. Part. II. Tit. I. cautum est, vt indistincte matri succederent liberi. At cum matris successio in bonis liberorum, non familiarum incrementa sed decrementa potius acceleret, et patriae patres conseruationem paternorum bonorum inprimis resperxerint, hoc ipso statuto condito, alia profecto ineunda erat ratio, atque quod liberis concessum fuerat ius, matri dari non poterat. Vide diuersitatis rationem, et qui fiat, vt regula hic locum inuenire haud possit. Ne vero videamur nonnullis plus ingenio tribuisse, quam par est, rem illustrare placet exemplis partim ex Romano, partim Saxonico Iure petitis. Ita impubes arrogatus arrogatori §. 14. I. de Haeredit. quae ab intest. non hic illi succedit.

§. 3. *I. de adopt.* Adoptanti ab intestato succedit minus plene adoptatus. *L. 10. §. 1. C. eod.* minime adoptato adoptans §. 2. *I. de adopt.* Nepos et neptis succedunt auiae ex Constit. Principum ad SC. Orfic. factis, non tamen vice versa auiae successio nepotum datur §. 2. *Inst. de SC. Tertull.* Alium suppeditauit Magnificus Praeses casum singularem ex *Decis. Elect. nou. XLIX.* Quidam filio, factis prius sponsalibus publicis, sed ante copulam sacerdotalem nato, et aliquot dies post parturientis mortem denato, successionis reciprocae iure succedere acriter contendebat. Cum vero dicta *Decis. Elect.* eiusmodi liberos legitimos atque heredes Patris esse velit (ne innocentes sine causa legitimis natalibus et successione simul fraudentur) Patrem vero delinquentem puniri iubeat; causa cadebat pater sponsus, edoctus praeter spem, iura successionis non ubique esse reciproca. Etenim accurate significanterque indicauit ipsas *Decis. Elect.* diuersitatis rationes, inter filii patrisque successionem. Nec mitiora fata expertus est Pater sponsus, ubi postea stupratoris iure, sextantem honorum a filio relictorum iure hereditatis reciprocae petebat. Quamuis enim vsus fori tyrannus successionem liberorum naturalium, quos concubina ediderat (damnato legibus nostris concubinato) ad spurios, quorum nulla erat apud Romanos successio, temere extenderit; Rectius tamen re pensitata argumento nimirum eiusdem *Decis. Elect.* quae liberos sponsalibus clandestinis factis ante sacerdotalem benedictionem natos, illegitimos adeoque spurios declarat, et ab omni hereditate Patris stupratoris (clandestini licet sponsi) penitus arceat, iacturam hereditatis opimae faciebat stuprator, promeritas luens temerarii litigatoris poenas.

§. XV.



§. XV.

Iam pertractatis interpretationem statuti iuvantibus, remotisque dubiis generalioribus, quae eidem obfistere videbantur, faciliiori via rem ipsam aggredimur. Dicendum de *matris successione in bonis liberorum*. *Liberi vel legitimi, vel illegitimi sunt*. Illegitimorum successionem nescit statutum patrum, *vid. Inscript. von der Succession und Erbschaft nach des Mannes Tode, et verb. Artic. angeerbtes väterliches Guth*. *Illegitimi patri non succedunt*, quamvis et sine liberis et coniuge vitam reliquerit. *vid. §. 14.* quo id ex Iure Romano Saxonicoque et latius deductum, et casu illustratum est. Paterna itaque bona illegitimis non sunt; hinc *matri*, in bonis liberorum illegitimorum in quibus neque patri neque paternae familiae ius est, plena successio statuto patrio, relicta est. Per illegitimos vero non intelligi incestuosos vel adulteros, per se patet. *Nou. 89. cap. fin. Nou. 74. cap. fin.*

§. XVI.

*Legitimos* hic accipimus liberos, qui ex lege patri in bonis succedunt, non exclusis *legitimis* ex eadem matre, remotis tamen *adoptivis* (qui nec matri, nec haecillis succedit. *§. 2. Inst. de legit. agnat. success.*) et *consanguineis*. per *verb. Artic.* nostri hat auch die Fray Kiender, it. des verstorbenen Kiendes leiblich Geschwister. Sui sint, an emancipati legitimi, nihil interest. Et his defunctis, mater ex statuto succedit. Verba vero statuti dum inspicimus accuratius, *angeerbtes väterliches Guth*. it. *solches angestorbene Guth*; dubium nonnullis ea facere posse, videbantur, ratione liberorum *bilateralium*, quos pater vivus adhuc, assignando ipsis bona, exclusit, a reli-

quoque;

B 3

qua

qua hereditate *Land-N. Lib. 1. Art. 13. et Lib. 2. art. 19.* Qui verba captant, et strictissimae statutorum interpretationi inhaerent mordicus, dubiam faciunt fratribus vel sororibus in bonis separatorum successionem. Sed quam longe nos ab iis recedimus; probe intelligentes, non ex vno, quod primo se offert intuitu, indicio, neque ex praeconcepta aliorum et veteranorum quidem opinione, aut regula vaga et indeterminata, quae menti a prima aetate firmiter haeret infixa, legum pendere interpretationes, nec nuda verba, verum eorum, qui condidere leges, intentionem, certis et indubitatis manifestatam indiciis respiciendam esse. Diximus statutum patrium in fauorem fratrum fororumque defuncti datum. Detorquere vides secus statuentes in odium, quod sapienter maiores in eorum emolumentum dedere. Praeterea agitur patria lege, ut conseruentur bona paterna filiis. Hoc quando patet, patebit etiam admittendos fratres sororesque ad successionem in bonis assignatis. Aut ne quis bona assignata non paterna statuet? Et si sunt, sique filiis conseruanda sunt, nonne admittendi ad successionem eorum, quae a patre perfecta sunt? Dederat pater inter viuos superstes, quod eo mortuo, filius ex hereditate erat capturus: hoc quamuis nomine dicere non potes, *angeerbtes Guth, angestorbenes Guth*, effectu tamen idem est. Ita certe omnes, nisi qui iniurii in defuncti fratres sororesque sunt, contra statuti rationem manifestam, nobiscum sensuros credimus. En interpretationem erutam non ex verbis captatis, sed ex mente eorum, qui legem dedere!

§. XVII.

Fingamus *casum*; filius vxoris sine prole defunctae bona sua fecit, vel duas tertias relicta prole, retinuit. Hic postea

postea inprolis moritur, et matrem, fratres sororesque relinquit. Quaeritur: Vtrum mater liberos reliquos excludat, an vero secundum statutum patrum in usufructu solo succedat. Equidem videri posset nonnullis, et proprietatem sibi matrem vindicare posse, cum succedendum sit in bonis, quae filius non a patre, sed ab vxore habet relicta. At vero ex statuto maritus filius bonorum dotalem et paraphernalium plenus et perfectus dominus, sua eaque cum bonis paternis confusa, non vxoris bona postea defunctus relinquit. Matri igitur non nisi usufructus iure statuti cedit, id quod infra §. 19. pluribus demonstrabimus. In hunc fere modum filiae vxoris ante matrem defunctae bona, iure domini pleni et perfecti improlis viduus sibi acquirit. Socrum igitur viduus et gener suo iure excludit. *conf. Statut. Part. II. Tit. VIII. art. 1.*

### §. XVIII.

Restat, ut de *nepotibus* videamus; Hos filet patria lex *artic. IV. et V.* et quod magis est, eosdem videtur excludere, cum matri tantum iniunctum sit, fidem praestare publicam liberis, de restituendis bonis, non item nepotibus. Verba Statuti sunt: Daß die Mutter solch angestorben Guth ihren andern Kiendern, als des verstorbenen Kiendes leiblichen Geschwistern, nicht entfrembde, sondern sie soll dasselbe gedachten Kiendern versichern. Sed salua res est: Etenim in successione legitima, liberorum nomine continentur nepotes, siquidem de fauore eorundem quaeratur, *L. 220. ff. de V. S. l. 47. ff. solut. matrim. l. 16. ff. de Testam. tutel. et passim locis in Corpore Iuris.* At constat rationem primariam statuti nostri successorii, in fauore descendantium et collateralium per patrem coniunctorum, prae matre et cognatis,

tis, esse positam, id quod et superius demonstratum est. *Artic. denique VI. Tit. I. Part. II.* cautum, successi-  
onem nepotibus repraesentando stirpem, filium filiamue,  
in bonis matris, deferendam esse. Hoc quod si est,  
eodem quoque iure succedere debet mater nepotibus,  
qui repraesentatione facta, filiorum filiarumque loco  
sunt. Sicuti enim nepotes succedunt in locum et ius  
parentum, ita et mater eodem iure illis, quo his succe-  
dit: Vis autem omnino inferretur, frausque statuto fie-  
ret, si quis potius ius adiudicaret matri in nepotum bo-  
nis, quam quidem competeat in filiorum. Id enim in-  
tendit statutum patrum, ut bona nepotum aequae ac filio-  
rum, paternae familiae, agnatisque seruentur integra, ne-  
que matris aut forte vitrici prodigis obnoxia sint manibus.

§. XIX.

*Bona liberorum vel sunt hereditaria vel acquisita:*  
illa vel *paterna* sunt vel *avita*, vel ab agnatis vel aliunde  
delata. *Acquisita* nobis dicuntur, quae quovis iusto ti-  
tulo, praeter haereditarium ad liberos perveniunt. Re-  
linquunt autem liberi bona vel *acquisita sola*, vel cum *pa-  
ternis confusa*. Illo casu, si quando liberi, a patre forte  
exheredes scripti, non paterna bona, sed sola sibi titulo  
oneroso vel lucratiuo quaelibet transmittunt ad heredes,  
non dubitamus, quin matri ex iure Saxonico Communi  
plena perfectaue successio largienda sit; Hoc vero casu,  
magis est, ut dicamus, matri ex statuto tantum usufru-  
ctum cedere. Videntur hic ob stare expressissima statuti  
verba, deren (Kiender) angeerbtes Väterliches Guth soll  
der Mutter in den Schooß fallen. et *Art. V.* sequente, der  
Kiender erster Ehe Vattertheil. Hic si quis verborum  
naturalem vim sequi voluerit, aliter profecto non iudicabit,  
quam

quam matri integram hereditatem vindicandam esse. Nec fauet sententiae nostrae ipsa statuti ratio, in bonis paternis conseruandis maxime conspicua, quae familiae crepta dici non possunt, cum acquisita tantum mater occupet. Ut taceamus regulas interpretationis generaliores, quae fortasse possent obiici, sponte enim sua hae concidunt, opposita partim genuina statuti ratione, partim ipsa condicione successionis.

§. XX.

Primo enim statutum nostrum allegato *Art. IV.* vti-  
tur promiscue verbis, angeerbtes Väterliches Guth, solt  
dies angestorbene Guth. Dicuntur autem *bona morte de-*  
*lata*, angestorben Guth, quaeque *hereditario* deferuntur  
*iure*, audiunt angeerbtes Guth: Vtraque eodem tempore  
*ratione deferentis* angestorben, *ratione autem heredis* pro-  
ximi, sunt angeerbtes Guth, atque praecedunt heredita-  
tem cretam et aditam. Proximum iam videre est, a qua,  
et cui deferantur bona. At patet ex *Art. IV. princ.* Bo-  
na a liberis post patrem demortuis deferri matri, ibi: Hat  
auch die Frau Kiender, und stirbet deren eines oder mehr;  
deren angeerbtes Väterliches Guth soll der Mutter  
in Schoß fallen. Quibus verbis non indicantur bona  
paterna filiis delata: denen Kiendern angeerbtes Väter-  
liches Guth, sed id volunt: bona paterna, quae a liberis  
matri deferuntur, derer Kinder angeerbtes Väterliches  
Guth, id quod magis explicant verba sequentis *Art. V.*  
ibi: und sie (die Mutter) sodann ichtwas von ihrer  
Kiender-ersterer Ehe Vater-Theile anstirbe, so mag ihr  
Mann solches angestorbene Guth ic. conferantur verba  
antecedent. *Art. IV.* daß die Mutter solch angestorben  
Guth ihren andern Kiendern, als der verstorbenen Kiem-  
der

der leiblichen Geschwister, nicht entfrembde. Caput disceptationis in eo consistit; vtrum statutum velit sola bona paterna, an vero omnem hereditatem iure vsusfructus matri deferre. Vbi statuentes innuerent solum paterna bona, quid de reliqua liberorum haereditate fieri deberet, et quomodo ab eadem separanda forent bona paterna, omnino non siluissent. Verisimillimum itaque, vocem väterlich, Vater-Theil, tantum *demonstrandi causa* adiectam, et *hereditatem liberorum* (inprimis infantium aut impuberum, quorum aetas acquirendis et augendis bonis minus apta est) a *potiori* dici *bona paterna*, quae maximam tamen partem, quamuis non solam, conficiunt hereditatem paternam. De eiusmodi liberorum hereditate hic praecipue agi, et rerum nexus hoc titulo, et verba *Artic. IV.* sondern sie, die Mutter soll dasselbe gedachten Kindern vor Gerichte, oder vor ihren Vormunden also versichern, daß sie daran ein Genügen haben können, vt et *Artic. V.* so mag ihr Mann solch angestorben Guth in Vormundschafft nehmen, satis probant. Et certe illud valde probabile, statuentes adiecta voce väterlich causam tantum principem indigitasse, qua hanc anomalam successionem introducere, inducti fuerint, et voce angeerbtes Guth tantum indicasse bona, quae regulariter iure Saxónico Communi matri titulo heredis vniuersali deferrentur.

§. XXI.

Iuuabit hic, vidisse quae habet CARPZOVIVS, *Part. III. Constit. 14. def. 4. n. 3.* hereditas, inquit, per filium heredem semel adita, non amplius dicitur hereditas, nec obtinet nomen hereditatis, et bona illa paterna ex hereditate patris ei delata, non amplius sunt, et dicuntur bona paterna, sed proprium ipsius heredis fratris defuncti patrimonium. Recte ita *Vir magni Nominis*, licet id non probent,

bent, quos, citat, auctores et §. 1. *Inst. qui et quib. ex caus. manam.* in auxilium vocatus. *Acu rem tetigit VIPIANVS L. 10. §. 2. ff. de pupillar. et vulgar. substitut.* ibi: *filio impuberi herede ex asse instituto, substitutus quis est: exstitit patri filius heres, an possit substitutus separare hereditates, ut filii habeat, patris non habeat? Non potest: sed aut viriusque debet hereditatem HABERE aut neutrius: IVNCTA ENIM HEREDITAS COEPIT ESSE.* Et *IDEM lege 1. §. 12. ff. de separation.* *Praeterea sciendum est, posteaquam bona hereditaria bonis heredis mixta sunt, non posse impetrari separationem: CONFUSIS ENIM BONIS ET VNI- TIS, separatio impetrari non poterit.* Et tantum potuit iure Romano confusio bonorum defuncti et heredis, ex quo hereditas adita, heresque in ius defuncti, quod habuit successit, et ita iura crediti et debiti, bonaque omnia defuncti et heredis, in persona heredis penitus confusa sunt. Equidem non negamus, in multis ex singulari aequitatis ratione a rigore huius stricti iuris *AVGVSTORVM* temporibus recessum fuisse: At nemo dubitat, in iis, ubi res fert, magnam eius adhuc superesse auctoritatem, quod vel ex nostro casu manifestum est. Quid quod ipsi rationi naturali eiusmodi bonorum separatio repugnat: vix enim ac ne vix quidem extricabilis est nexus bonorum paternorum, cum bonis filii heredis vnitorum. Si verum est, ea, quae parta sunt ex hereditate vel pecunia hereditaria, esse hereditaria, *arg. Leg. 54. ff. de Iur. Dot. Leg. 1. Cod. de pecul. castrenf.* Quomodo, quaeso, separanda sunt bona paterna ab aliis, quae donata, emta vel permutata, paternae vero hereditatis auxilio in totum vel ex parte parta, vel ex pretio bonorum paternorum, venditorum, comparata, vel vendita

postea tamen redempta, vel denique indiuisa, perfolata fratri cohaeredi partis hereditariae pretio, a defuncto fratre retenta, postmodum relicta sunt, ut sexcentas alias commixtionis inseparabilis species studio sileamus. Litem etiam nostram non facimus, quae fuit inter CARPZOVIUM et MEVIUM, quorum ille *Part. II. Constit. 12. definit. 1.* bona potius hereditaria paterna vel auita, quam acquisita praesumit; hic *ad Ius Lubecens. Lib. I. Tit. 10. art. 6. n. 59. 60.* contrariam defendit sententiam. Neutrum enim vniuersaliter dici posse certum: nam pro subiecta materia, bona mox hereditaria, mox acquisita habenda sunt. Nostro tamen casu magis hereditaria quam acquisita haberi bona defunctorum, vel maxime conditio liberorum loquitur.

## §. XXII.

Instant dissentientes, praeter intentionem statuentium statutum ad acquisita bona extendi. Largiamur illis separationem bonorum vtriusque generis omni data opera in quibusdam saltem casibus fieri posse: et certe quoque inficias ire non possumus, in statuto bonorum diuisionem inter matrem et liberos sollicitè iniunctam esse, qua de re paulo post. Vim tamen statuto, nostra interpretatione fieri non videmus. Etenim non abscisse ad conseruationem bonorum patris, sed simul ad tutamen, et familiae paternae vtilitatem id respicere, supra docuimus. Primum quidem obseruant multa cura dissentientes, bona paterna tempore mortis patris, liberis assignata, custodiendo, ut quae ex iis parts, permutata, vel iure accessionis etiam forte patris intuitu aduenere, insigni damno descendens ex patre dato, secure vides negligere. Et hoc de-

mun



munum est; contra intentionem statuentium et utilitatem manifestam tam paternae familiae quam ciuitatis, frustraneo conatu niti.

§. XXIII.

Ad matrem quod attinet; in eam nostra interpretatio profecto iniuria non est. Etenim illa *ususfructus* gaudens *commodis*, non habet de quo viuens queratur, post fata vero eius inuidere liberis proprietatem velle, omnino turpe foret. Magis enim amare liberos quam cognatos praesumitur, eosque amore quoque maiori, quam vitricum maritum prosequi, legibus iubetur. Dare certe hoc potest mater liberis ex priori matrimonio susceptis, ut in successione fratrum sororumque, aliis, si quos ex secundis nuptiis habet, iure suo proximiori praeferantur, quo iure etiam hi aduersus illos utuntur in bonis maternis. Et ne sic quidem matris et liberorum vterinorum iuri detractum esse vides. Non leue pondus sententiae nostrae hoc addit; quod statutum ne minimum quidem indicium separandorum bonorum hereditariorum et acquisitorum suppeditet. Cum tamen probabile non sit, rem vel maxime arduam statuentes silentio inuoluturos fuisse, quando de diuisione bonorum fusa et accurate edixerunt. Sine legum autem moderamine eiusmodi separatio difficillima, vel frustraneum plane opus est. Nec solum norma discernendorum bonorum, qua carere omnino non possumus, penitus destituimur, sed et quod magis est, ubi *Articul. V.* hoc titulo, ordo successionis matris et collateralium plene tractatur, nulla fit separationis bonorum mentio. Et si separanda essent bona acquisita, qua, quaeso ratione dici potest verbis final. huius *Artic. V.* Sic (die Mutter) das angefor-

bene Guth von ihren Kiendern erbe, an ihre erste Kiender als des verstorben vollbürtige Geschwister, und ob die nicht vorhanden wären, an ihre andre Kiender, und dessen nächste Freunde. Bona acquisita si discernenda sunt, ea profecto matri pleno heredis iure cedant, necesse est. Hoc si est, haec ipsa bona mater ad vterinos omnes, non primi tantum matrimonii, quod statutum tamen absolute vult, recte transmittit: et quod proximus est, hac ipsa patria lege horum acquisitorum, tanquam dotalium vel parapharnalium bonorum plenum et perfectum dominium in maritum transfert, quod vero prohibent finalia verba *Art V.* und nicht an ihren Mann, noch an dessen Freunde.

#### §. XXIV.

Promissimus, nos *de diuisione hereditatis* inter matrem et liberos ex statuto dicturos esse: iam fidem liberamus. Postulat enim praesens institutum, ut hanc ipsam materiam non praetereamus silentio, cum forte nonnullis videri posset, diuisionem bonorum in patria lege ideo sollicitè fuisse expressam, quo de acquisitis et paternis bonis accuratius fieret iudicium. Damus hoc, diuisionem factam esse, priusquam successioni maternae locus est. Bona enim a defuncto patre delata, mox post tres quater denas a tempore mortis inter matrem, viduam et liberos iudicialiter diuidenda, et partes diuisae hereditatis ad acta publica referenda sunt. Ita cauet Statut. *Part. I. Tit. II. Art. 3.* ibi: Und wenn die Frau nach des Mannes Tode sich mit den Kiendern, oder die Kiender mit der Mutter theilen wollen, welches in dreymahl vierzehn Tagen nach des Waters Tode vor dem Rathe geschehen soll. confer.

confer. eiusd. *Tit. II. Artic. I.* ibi : Das Dritttheil soll man den Kindern aussetzen nach der Mutter Tode vor dem Rathe gleichfalls in drey-mahl vierzehn Tagen , und dasselbe förder alsobald in der unmündigen Kinder-Buch lassen schreiben. At vero non minus post patris quam matris mortem idem obseruandum esse euincunt verba Statut. *Part. II. Tit. 8. Art. 2.* Wenn aber ein Mann oder Ehefrau in Stadt-Rechte allhier unmündige Kinder ver-lassen, denen sollen sie nach drey-mahl vierzehn Tagen vor dem alten Herrn des Raths gewisse Vormunden bestellen, und sodann mit Wissen des Raths und Einwilligung ih-rer verordneten Vormünder ihren gebührenden Erbtheil aussetzen, versichern, und in das Kinder-Buch verschrei-ben lassen :: mancherley künftige Irthum zu vermeiden, *conf. Budislinische Vormundschafft- und Waisens-Ordnung, § XXXI.* nec voluntaria eiusmodi est here-ditatis diuifio sed simul cum adnotatione iudiciali partium hereditariorum necessario requiritur. Res extra dubium est posita, quando concurrat mater cum minoribus libe-ris; at ratione maiorenium dubitationi locus videri pos-set esse relictus, in citat. Statut. verbis: Und wenn die Frau nach des Mannes Tode sich mit den Kindern, oder die Kinder mit der Mutter theilen wollen, et iure Saxo-nico *Lib. I. Art. 20.* haec ipsa diuifio voluntaria est, dum-modo ad secunda vota mater non transeat; blieb sie aber mit den Kindern :: lang oder kurz ungezweiet, mit ih-ren Guth :: bleibt sie aber Wittwe, nach ihres Man-nes Tode mit ihren Kindern in der Kinder Guth, das ist ungeschieden von dem Guth. Enim vero quae naturae et indoli duplicis iudicii familiae heriscundae conue-nientissima est interpretatio, ita se habet. *Aut matri*  
aut

*aut liberis* (adeoque maiorennibus) *ad diuisionem hereditatis prouocare est integrum*; et quidem intra sex septimanas et tres dies, id post patris obitum coram Senatu fieri debet. Ita quidem intellectum statutum iuri communi Saxonico significanter satis derogat. Tandem generalis eius ratio *artic. 2. Tit. 8. Part. II. mancherley künfftige Irthume zu vermeiden*, parentibus odio secundarum nuptiarum haud obnoxiiis, in iudicio praefinito tempore diuidendae cum liberis iustae aetatis hereditatis imponit necessitatem. Vnde tamen neminem concludere posse arbitramur, bona ex hereditate paterna adscripta liberis ab acquisitis separanda esse. A diuersis enim argumentari non licet.

#### §. XXV.

Persuasum habemus, successionem matris in nepotum bonis ex patria lege nos §pho 18. a variis liberasse dubiis. Alia non minus dubiis inuoluta quaestio iam pertractanda: *an nimirum matri bona liberorum auita eadem, qua paterna, ratione in usumfructum cedant*. Equidem statutum *dist. art. 4* abscisse de bonis paternis hereditariis loquitur, von Väterlichen angeerbten angestorben Guth; notanter etiam partem hereditatis paternae delatae liberis, dicit *Artic. 5. seqq.* Wenn auch die Frau bereits einen andern Mann zur Ehe genommen, und sie sodann ichtwas von ihrer Kinder ersterer Ehe Vatertheile anstürbe, so mag ihr Mann solches angestorbene Guth in Vormundschafft nehmen. Et hic qui stricta sibi statutorum interpretatione valde placent, in negatiuam eunt sententiam. Nobis iustae interpretationis ratio, alia omnia suadet, et vt a vo- cum recedamus proprietate cogit: *patris nomine auus quae*  
que

que demonstrari intelligitur, leg. 201. ff. de V. S. quod et innuit lex 51. ff. eod. tit. ibi: *Appellatione parentis non tantum pater sed etiam auus et proauus, et deinceps omnes superiores continentur, sed et mater et auia et proauia.* Hinc bona auita recte dixeris paterna, et contra. Indeque putamus, bona paterna auitaque coniungi in formula interdictionis bonorum apud PAVLVM lib. 3. sent. Tit. 4. apud CICER. orat. 2. in Verrem: *patrimonia paterna atque auita*, et apud QVINTILIANVM declam. 26. exui *patrimoniis paternis et auitis.* Si de fauore liberorum agitur, nepotes et descendentes familiae eodem vti fauore, nemo dubitat. Quid ergo obstat, quominus fauorem paternorum bonorum iusta interpretatione ad auita quoque extendamus; et sicuti bona auita non solum dicuntur, quae abscisse ab auo, sed etiam quae a maioribus prouenerunt, CARPZOV. Part. II. constit. 12. def. I. n. 2. ita ad paterna bona recte referes, quae ab auo delata sunt. Vbi auita bona commixta cum paternis a patre post auum defuncto deferuntur liberis, in causam paternorum bonorum simul auita cadere, nemo ignorat. Certe solus mortalitatis ordo, patre ante auum defuncto, turbatus, potius ius matri et per consequentiam vitrico, secundo marito tribuere, et successioni fratrum vel sororum defuncti detrahare nequit. Paternis igitur bonis nostro statuto et auita includi verius esse videtur.

## §. XXVI.

Et ita debent esse comparata bona, quae relinquuntur a liberis, de quibus statutum cauet: *soß der Mutter*

D

ter

ter in den Schooß fallen. Phrasin hanc non tam iuri Saxonico communi et Magdeburgico, quam illis, qui ad haec concinnarunt glossas, debemus. Ita legimus *lib. III. artic. 38. in gloss.* Da ist kein Erbe, denn das ungeborene Kind allein, und würde es lebendig geboren, und stirbe es darnach, so fiel das Erbe der Mutter in den Schooß, und die Mutter bliebe darnach sein Erbe. Et *Weichb. Art. LVII.* ibique glossa: und hett der Mann Kinder, die nicht bestattet weren, dieweil die Kinder stirben, das Ungefell stirbet der Mutter in die Schooß, als ferr als das todt Kind kein Kind füran mehr von sich hat. Et editor LOSSIVS, ciuis Freibergens. in praemissis Iur. Saxon. Commun. Freibergae 1545. edit. Kindt felleet sein Erbe der Mutter in die Schoß. Si coniecturae locus est, videntur Glossatores his ipsis verbis der Mutter in den Schooß fallen, vsi ad exemplum eorum, quae occurrunt *art. XVII. lib. I. Land. N.* umb das Erbe nicht gehet aus dem Busen, dieweil der ebenbürtige Busen da ist, quae verba tantum patrem tangunt, docente nos ipso *artic. XVII.* & imprimis ibidem glossa: durch das das Erbe aus dem Busen des Vaters nicht stirbet, dieweil da ein ebenbürtig Kind ist, denn der Busen gehet nicht forder denn von den Vater auf das Kind, zeuget nu einer fort ein ander Kind, das gehet aus seines Vaters Busen, und aus seines elter. Vaters. Busen nicht. Procul dubio ansum ita dicendi dederunt verba *art. III. lib. I. Land. N.* ibi: an dem Haupt ist bezeichnet man und weib zu stehen, die ehelich und ehrlich zusammen kommen sind. In des Hals. Glied die Kinder, die on Zwiellung vom Vater und Mutter geboren sind.

sind. Hoc loco, quod dicitur Hals-Erb, der ohn  
Zweigung von Vater und Mutter gebornen Kinder, id  
omnino innuit, dict. Art. XVII. der ebenbürtige Busen,  
et dict. gloss. der Busen von dem Vater auf das ebenbürti-  
ge Kind. Hanc Iure Saxonico et Magdeburgico no-  
tante distinctam dicendi formulam confundit Illustr.  
BOEHMERVS in posit. de grad. matrim. c. 3. memb. 2. §. 5.  
ibi: Sic Iure Saxon. et Magdeburg. excludunt defuncti  
fratres iuxta regulam: Das Erbe fällt den Eltern in  
den Schooß. Soli enim matri propria hæc dictio, in  
Schooß fallen, quam nuppiam ad patrem applicari le-  
geris.

### §. XXVII.

Patet ex his formula das Erbe der Mutter in den  
Schooß fallen maioribus nostris idem fuisse indigitatum,  
quam quod est, *bona hereditaria matri iure hereditario  
acquiri*. Patrii iuris conditores verba a glossatoribus mu-  
tuaße verisimillimum nobis videtur; sed alio plane ab  
iisdem sunt adhibita sensu. Tot enim rationes, quas  
mox dabimus, ipsaque usufructus conditio, in bonis a  
defunctis liberis relictis, manifeste arguunt, eodem signi-  
ficatu verba statuti, soll der Mutter in den Schooß fallen,  
qui olim obtinuit, et a glossatoribus receptus est, apud nos  
venire non posse. Constat, usufructuarium heredem  
non esse, utpote qui succedit in ius vniuersum, quod de-  
functus habuit, L. 24. ff. de V. S. L. 26. ff. de Reg. Iur.  
Usufructus vero non est vniuersi Iuris (personalis vel  
realis, etiam pleni dominii) quod defuncto fuit, sed

D 2

parti-

particularis (vsusfructus hereditatis liberorum a proprie-  
 tate auulsi) acquirendi modus. Hinc vsusfructuarius non  
 repraesentat personam defuncti, eiusdemque domini,  
 dominium enim et vsusfructus differunt essentialiter. Et  
 mater semel heres, nunquam heres esse desinere potest.  
*L. 88. ff. de hered. instituend. §. 3. Inst. de fideicommiss.*  
*hered. L. 7. §. 10. fin. ff. de Minor.* inde recte glossa  
*Land. N. Lib. 3. art. 38.* so fiel das Erbe der Mutter in  
 den Schooß, und die Mutter bliebe darnach sein  
 Erbe. Ex statuto autem nostro *§. 5. Tit. 1. part. 2.*  
 dici nequit, quod mater heres esse non desinat, quando  
 expresse disponitur, de hereditate liberis primi matrimo-  
 nii bilateralibus relinquenda. Mater vero semel heres  
 facta, heres maneret continuo, nec ad primi tantum ma-  
 trimonii liberos, quod statutum vult, sed ad alios recte  
 transferret bona hereditaria. Sicuti vero in re certa in-  
 stitutus heres, vbi vniuersalis adiectus, legatarii loco est,  
*L. 13. Cod. de hered. instituend.* ita etiam mater titulo  
 singulari non vniuersali heredis, ex lege patria in vsufu-  
 ctu, tanquam in re singulari ad dies vitae succedit, quod  
 eo magis verum est, cum neque mater heres in diem siue  
 ad dies vitae, neque ex die siue post mortem matris fra-  
 tres vel sorores heredes esse possent, *§. 9. I. de hered.*  
*instituend. L. 34. ff. eod. Tit.* Vtrumque prorsus ab-  
 horret statutum nostrum, neque ex die neque in diem  
 admittit heredem, iure deferens hereditatem, solis de-  
 functi fratribus et sororibus, matri duntaxat vsufu-  
 ctum. Notatu digna sunt verba *art. 5.* in Fall die Frau  
 nit Tode abgienge, sie das angestorbene Guth, von ih-  
 ren Kindern erbe an ihre erste Kinder. Non dicitur  
 hic,



hic; sie das angestorbene Guth erbe an ihre erste Kinder, mater enim heres non facta, liberis primi matrimonii hereditatem deferre non potest; Et si heres facta esset, cur non ad omnes vterinos hereditaria bona transmitteret, vel potius in secundum maritum dominium plenum et perfectum, quod sic haberet, transferret. Magis vero est, ut dicamus a defunctis liberis statim et immediate, superstiti fratri, aut sorori iisque bilateralibus hereditatem deferri, quod volunt verba, **von ihren Kindern erbe, an ihre Kinder.** Absolum enim non est; dominii et hereditatis usum suspendi ad tempus mortis matris usufructuariae. Hoc quod si est, certe ius ipsum hereditarium et dominium, non potest, quod aiunt, in aere volitare, sed quod matris esse non debet, manet omnino penes defunctorum liberorum fratres vel sorores, atque post matris mortem demum, cum effectu, ad id usque tempus suspenso, ipsis plenissime cedit.

§. XXVIII

In hunc fere modum intelligenda verba: in Fall die Frau mit Tode abginge Sie von ihren Kindern erbe an ihre Kinder erster Ehe. Caue tamen putes, his significari, quasi ad mortis usque momentum matri defuncti bona iure hereditario relicta fuerint; quicquid etiam SCHILTERVS *Exercit. ad D. 38. §. 81. sqq.* moribus Germanorum tribuat; verba tamen statuti sequentia, **von ihren Kindern erbe an ihre Kinder erster Ehe;** aperte contradicunt, et simul antecedentia, in Fall die Frau mit Tode abginge, explicant. Imo statutum quod

ad rationem iuris communem propius reuertitur, non temere detorquendum est, ut a communi iure recedatur, quod hereditatem ad certum tempus, aequae ac ex certo tempore deferri, improbat. Si cui forte scrupulum iniecerit vox *angestorben*, sciat ille ea innui, morte quid absque hereditario tamen iure deferre, id quod probat *Land. R. Lib. 11. art. 33.* ibi: *oder eine Vormundschaft anstirbt*, morte certe deferretur non vero iure hereditario tutela. Satisfactio praeterea, §. 4. et 5. statuti matri viduae et vitrico sollicitè iniuncta, non potest alia concipi quam usufructuaria. Certe fideicommissariae locus esse nequit, quia statutum non cadit in causam fideicommissi, et de vitrico forte nemo tale quid cogitauerit: in quem profecto fiduciarii heredis nomen et ius multo minus quam in matrem cadere posset. Et frustra art. 6. statuti foret conceptus, ubi casus *Leg. vn. §. 7. Cod. de caduc. tollend.* daretur. Quodsi itaque non omnis ratio prius dictae satisfactionis penitus exulare debet, affirmandum mouentibus simul iis, quae supra dedimus, matrem tantum usufructuariam, neutiquam vero heredem esse.

### §. XXIX.

Quantum nostra intersit, uti certus atque definitus sit modus successionis maternae in bonis liberorum, plurimum casuum decisiones ab ea certitudine pendentes probant. Ita quaestio satis est anceps, an propter aequum defunctorum liberorum contra matrem, quae tamen hereditate utitur fruatur, creditoribus competat actio. Sed facile quis sese extricauerit, cogitans, non contra matrem

trem usufructuariam, sed contra heredem fratrem vel sororem defuncti actionem dari, quae personae tantum in obligationem eius, cuius heredes facti sunt, succedunt; eumque repraesentant, et adeundo hereditatem, usufructu licet suspenso, quoad viuit mater, creditoribus defuncti fratris quasi obligantur *Leg. 1. §. 6. ff. ad SC. Trebellian. Leg. ult. §. fin. ff. de contrahend. emt. add. Illustris WERNHERVS Vol. VI. part. 9. obseruat. 167. CARPZOV. 2. 42. 15.* Idem dicendum, si liberi codicillis factis legata ordinauerint *leg. 33. pr. ff. de Legat. 2. Leg. 1. Cod. si certum petat. CARPZOV. Lib. I. Tit. 10. Respons. 104. num. 9.* Frustra ideo matris fidei committitur, ut vel hereditatem vel fideicommissum speciale (addimus vsumfructum) restituat, *arg. §. fin. I. de fideicommiss. heredit. iuncta leg. ult. Cod. de fideicommiss.* Nec minus temeritatis incurrunt inuidiam, qui matri usufructuariae non heredi nec dominae ius accrescendi vel accessionis, quod ab hereditario vel dominii iure pendet, praeterquam augendi vsumfructus causa vindicant. Manifestum inde, defuncti fratres vel sorores ex statuto solos heredes, recte deducere aes alienum defuncti, legata, impensas in fructus pendentes factas, antequam matri tradant vsumfructum bonorum haereditariorum, quae non intelliguntur, nisi deducto aere alieno, solutisque legatis. Ita in proclui quoque est, fratribus et sororibus defuncti iure dominii seruanda bona esse, quae vsumfructum nullum, saltem non matri praestant. e. gr. bibliotheca, nummophylacium, et alia. Finge porro, hereditariam domum, quae iure braxandi gaudet, cessisse in vsumfructum matris. In hac, ubi conflagrauerit igne, et ab heredibus defuncti resecta fuerit,

rit, mater usufructum omnino amittit, quod vero inhaerit areae, ius braxandici denegari non potest. Iam vero nemini dubium reliquum esse putamus, quod matri ex statuto vel in legitima liberorum ius hereditarium non detur. Neque tangit statutum, quicquid de substitutione pupillari, excludente matrem a legitima, legibus est proditum. Certe ubi matrem a legitima substitutus frater vel soror excludit, subsistit substitutio, dummodo matri usufructus statutarius saluus sit. Hoc quodsi factum non est, vel extraneus pupillariter fuit substitutus, ad matrem legitima priuanda, non iure digestorum et in primis *L. 8. §. 5. ff. de inoff. testament.* Sed iure *Iustiniani Augusti L. 30. 32. 36. §. 1. Cod. de inoff. testament. Nouell. 1. in praefat. §. 2. Nouell. 18. c. 1. et Nouell. 115. c. 3. 4.* matri legitimam saluam esse colligimus; certe non quoad proprietatem, nec iure haereditario, si quidem defunctus impubes filius vel filia reliquerit fratres vel sorores, quo casu statuto omnino standum est.

### §. XXX.

Possimus equidem plura ex his iam dictis, et in primis, quae §. 27, 28. adstruximus, deducere, sed vela contrahenda sunt. Vnum addimus casum, quem praeiudicio confirmare placuit. Mater exhaustis bonis excitauit concursum creditorum. Quae requiritur statuto cautio iudicialiter facienda a matre, de bonis liberis restituendis, facta non est. Vrgent Creditores traditionem bonorum omnium, instant liberi relictī, postulantes separationem bonorum, quae quis vel a fratre vel sorore relictā habet.

Quae-

Quaestum fuit, vtrum liberorum an Creditorum causa sit potior. At cum matri in bonis iis merus vsusfructus, liberis proprietas sit, creditores vero in bonis, quae mater propria habet, tantum succedant, quis non videt respondendum esse, salua esse debere liberis, quae matris nunquam fuere. Ita et in matris tantum bona, non in filiorum inuolare possunt creditores. Idem casus contigit in patria anno 1733. liberos cuiusdam ciuis Spanckii concernens, quibus bona hereditaria a praedefunctis sororibus relicta (quorum vsusfructus matri bonis lapsae postea, cesserat) moto concursu a Facultate Vittebergensi adiudicata sunt hac formula:

405. Thlr. 16. Gr. 1. Pf. ermelbten Reicheln in Vormundschaft derer Spanckischen Kinder Erb-Guth von denen vor der Mutter verstorbenen Schwestern. Rationibus decidendi his additis: Ob es wohl das Ansehen gewinnt, daß der Spanckische Vormund mit der liquidirten Post derer 405. Thlr. 14. Gr. 1. Pf. als von denen vor der Mutter verstorbenen Schwestern auf seine Pfleg-Befohlenen verfallenes Erb-Guth, von gegenwärtigen Concurs abzuweisen, in Erwegung, daß sothanes Suchen der Disposition Sächsf. Rechte, nach welcher die Eltern alle übrige Andern von der Succession in ihrer verstorbenen Kinder Vermögen gänzlich ausschließen, offenbar entgegen lauffe, hierüber an der Existence des von dem Spanckischen Vormunde angezogenen Statuti, und wie weit selbiges zu Recht beständig sey, sich verschiedentlich Zweifel ereignet. Dennoch aber und diemeil die Statuta denen Landüblichen Rechten ohnstreitig derogiren, und denn das fol. 24. b. ange-

angezogene Statutum klare Maße giebet, daß im Fall eine Frau Kinder hat, und deren eines oder mehrere verstorben, deren angeerbtes väterliches Guth der Mutter, jedoch also, daß dieselbe solch angestorben Guth ihren andern Kindern, als des verstorbenen Kindes Geschwistern nicht entfrembde, in den Schooß fallen solle, hiernächst, was von den Litis Curatore wieder die Gültigkeit des Statuti an sich selbst angeführet worden, von keiner besondern Erheblichkeit ist, nachdem in den fol. 30. befindlichen und an das dasige Ober-Amt ergangenen allergnädigsten Rescript dem Rathe daselbst die Production des Privilegii Rudolphini annoch nachgelassen, die Statuta hingegen überhaupt so lange praesumptionem obseruantiae vor sich haben, bis ein widriges bewiesen wird

MEV. P. III. Dec. 60.

HERT. T. I. Conf. 165. n. 2.

In übrigen denen Spanischen Kindern, welchen auf solche weise das Eigenthum an ihrer vorher verstorbenen Geschwister Verlassenschaft zugefallen, unschädlich ist, daß ermelbte Schuldnerin ihnen dießfals Versicherung zu schaffen, unterlassen. quam sententiam, leutatione neglecta, confirmarunt scabini Hallenses, his in primis rationibus moti! Das zweyte Grauumen ist gänzlich vor irrelevant zu achten, in mehrern Betracht das Privilegium Rudolphinum überhaupt bekant genug, auch das fol. 24. Vol. IV. angezogene Statutum klärlich besaget, daß, wenn eine Frau Kinder hat, und deren eines oder mehrere sterben, de-

deren angeerbtes väterliches Guth zwar der Mutter in den Schooß fallen soll, doch also, daß sie solch angestorbenen Guth ihren andern Kindern, als des verstorbenen Geschwistern nicht entfrembde, mithin dergleichen statuta, wie in vorigen Urtheil bereits ausgeführet, nach so langen Jahren praesumptionem legalitatis für sich haben, die erfolgte Rescripta aber von künftigen Fällen zu verstehen, und auf die vorhergehende nicht zu erstrecken. Vtraque tandem sententiarum, interposita licet appellatione, in summo etiam appellationum Iudicio mense Iun. 1735. probata est. Rationes decidendi a Ictis Vitebergenfibus datae, et a Scabinis Hallensibus approbatae simul ea, quae supra dedimus, apprime illustrant, confirmant. Inprimis notanda sunt verba: In übrigen denen Spanckischen Kindern, welchen auf solche Weise das Eigenthum an ihrer vorher verstorbenen Geschwister Verlassenschaft zugefallen, unschädlich ist, quae nos docent, bona defuncti hereditaria, eorumque dominium non matri sed immediate statim fratribus vel sororibus iure hereditario deferri. Manifestum inde, iura accrescendi et accessionum tam in bonis hereditariis quam in acquisitis recte fratribus vel sororibus defuncti supra vindicata.

### §. XXXI.

Reliqua, quae consulto omittimus, a doctrina vsusfructus et iuris statutarii conditione pendent omnia. Proinde non diximus de cautione vsufructuaria, a matre vel vitrico, secundo marito praestanda, de remissione cautionis,  
de

de administratione bonorum, quae matri vel vitrico incumbit, de iure vitrici et liberorum primi et secundi matrimonii finito usufructu, de modis amittendi usufructum statutarium, de actionibus, affinibus et reliquis contrariis, ut et de iuribus statutariis quoad personas et res. Poteramus alia monuisse, nisi quos opusculo posueramus limites, suasis-  
sent aliud. Sed offeret sese forte occasio, ubi data opera, et latius haec pertractari, et ex reliquis statutis Lu-  
satae superioris illustrari confirmarique  
poterunt.

